

Sþ. 1230. Tillaga til þingsályktunar

um hækkun framlags úr ríkissjóði til nokkurra skóla.

Flm.: Skúli Guðmundsson, Sigfús Þigurhjartarson, Sigurður Bjarnason.

Alþingi ályktar að fela ríkisstjórninni að greiða þá hækkun, sem verður á launum skólastjóra og kennara við héraðsskóla og húsmæðraskóla við gildistöku laga um laun starfsmanna ríkisins, og enn fremur hluta ríkissjóðs af þeirri hækkun, sem verður á launum við gagnfræðaskólana, niðað við framlög ríkisins til þeirra samkvæmt lögum nr. 48 1930.

Greinargerð.

Í lögum þeim, sem nú er verið að afgreiða um laun starfsmanna ríkisins, er ákveðin allmikil hækkun á launum skólastjóra og kennara héraðsskólanna, húsmæðraskólanna og gagnfræðaskólanna frá því, sem verið hefur. Hins vegar er fjárhagur þessara skóla að mestu bundinn við framlög ríkisins til þeirra og svo þróngur, að þeim er ókleift að halda áfram starfsemi sinni á sama hátt og verið hefur og lögboðið er, nema ríkissjóður greiði þá hækkun á rekstrarkostnaði þeirra, sem af samþykkt launalaganna leiðir.